



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԲԱՐՁՐԱԳՈՒՅՆ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅՈՒՆ

# Հ Ր Ա Մ Ա Ն

1 ը մարտի-ի 1995 թ.

չ. 10-Մ

ՀԱՅԱՍՏԱՆԻ ԱՄԵՐԻԿԱՆ ՀԱՄԱԼՍԱՐԱՆԻ  
ԾՐՋԱՆԱՎԱՐՏՆԵՐԻ ՄԱՍԻՆ

Հայաստանի Հանրապետության տնտեսության ոլորտում Հայաստանի ամերիկյան համալսարանի /ՀԱՀ/ շրջանավարտներին ընդգրկելու, նրանց հնարավորությունները և կարողությունները առավել արդյունավետ օգտագործելու նպատակով և նկատի առնելով, որ կրթական ծախսերը կատարված են ի շահ Հայաստանի

## Հ Ր Ա Մ Ա Յ Ո Ւ Մ ԵՄ

1. Ստեղծել հանձնաժողով հետևյալ կազմով.
  - Մ. Քուչակնեան - Հանձնաժողովի համանախագահ, ՀԱՀ պրոռեկտոր
  - Մ. Ավագյան - Հանձնաժողովի համանախագահ, Հայաստանի Հանրապետության բարձրագույն կրթության և գիտության (ՀՀ ԲԿԳ) նախարարության արտաքին կապերի վարչության պետ
  - Վ. Պետրոսյան - ՀՀ ԲԿԳ նախարարության բարձրագույն կրթության վարչության պետ
  - Ա. Սարգսյան - ՀՀ ԲԿԳ նախարարության գիտության վարչության պետ
  - Մ. Ալահադյան - ՀԱՀ պրոֆեսոր, իրավաբան
  - Մ. Քոնրատ - ՀԱՀ պրոֆեսոր, ուսումնական հարցերով բաժնի վարիչ

2.1 Սկսած 1995թ.-ից ՀԱՀ-ի ուսանողների և ՀՀ ԲԿԳ նախարարության միջև պարտադիր ձևով կնքել երկկողմանի համաձայնագիր, ըստ որի համալսարանը ավարտելուց հետո շրջանավարտները առնվազն երեք տարի պարտավոր են աշխատել Հայաստանի Հանրապետության տարածքի հիմնարկություններում, ձեռնարկություններում՝ ստացած մասնագիտությանը համապատասխան:

2.2 Հանձնաժողովը ՀԱՀ-ի շրջանավարտներին պարտավոր է տեղեկացնելու Հայաստանում աշխատանքի հնարավորությունների մասին: Հանձնաժողովը իր

գումարած միստերում պետք է հրավիրի Հայաստանի տարբեր  
նախարարությունների և գերատեսչությունների ներկայացուցիչներին,  
առաջարկելով ՀԱՀ-ի շրջանավարտների ցուցակները և կազմակերպելով  
հանդիպումներ ուսանողների հետ:

3.1 ՀԱՀ-ի այն շրջանավարտները, որոնք կհրաժարվեն աշխատանքի անցնել  
Հայաստանի հանրապետությունում կամ կհեռանան Հայաստանի  
Հանրապետության տարածքից, պարտավոր են ՀԱՀ-ին վճարել ուսումնառության  
հետ կապված երկու տարվա բոլոր ծախսերը՝ որը 1994 -1995թ. կազմում է 12000  
ամերիկյան դոլար և որը կարող է փոփոխության ենթարկվել ապագայում:

3.2 ՀԱՀ-ի այն շրջանավարտները, որոնք հետագայում կզինակոչվեն,  
զինծառայության ժամանակաշրջանը հաշվի կառնվի այդ երեք տարիների մեջ:

3.3 1-ին և 2-րդ խմբի հաշմանդամները, հղի և մինչև 3 տարեկան երեխա ունեցող  
կանայք, եթե նրանք չեն մեկնում Հայաստանի Հանրապետության տարածքից,  
ինչպես նաև արտասահմանյան երկրների քաղաքացիները ազատ են սույն  
կարգադրության պահանջներից:

3.4 Այն շրջանավարտները, որոնք ՀԱՀ-ի հատուկ հանձնաժողովի կողմից  
կողարկվեն դոկտորանտուրայում սովորելու, ենթակա չեն աշխատանքի  
նշանակման մինչև ուսումնառության ավարտը: Դոկտորանտուրան ավարտելուց  
հետո, նրանք հանդես կիրառվում են սույն հրամանի 2.1 և 3.1 կետերը, ներառյալ  
դոկտորանտուրայում ուսումնառության հետ կապված ծախսերը:

4. Սույն հրամանի կատարման հսկողությունը դնել ՀՀ ԲԿԳ նախարարության  
արտաքին կապերի վարչության վրա, որը կստանա ՀԱՀ-ի տնօրինության  
աջակցությունը:

5. Նախարարության իրավաբան Գ. Մարգարյանին՝ մինչև 1995 թվականի  
փետրվարի 28-ը, ՀԱՀ-ի պրոֆեսոր, իրավաբան Ս. Ալահադդյանի հետ համատեղ,  
մշակել համալսարան ընդունվող ուսանողների համաձայնագրի օրինակելի ձև և  
այն գործողության մեջ դնել 1995թ. մարտի 13-ին:

Նախարար՝

Վ. Գևորգյանի  
Վ. Գևորգյանի

